

貴池縣志

貴池縣志卷二十六

知貴池縣事陸延齡重修

人物志

儒林

明

李呈祥字時龍幼好學有必爲聖人之志年三十九以歲貢赴廷試歸築一軒署曰尚志日端坐其中尋孔顏樂處聞王守仁倡學西江扁舟造之辨析異同深得良知之旨轉授門徒柯喬丁旦皆其高弟知府侯緘陸岡曾仲魁相繼薦其篤行

貴池縣志

卷二六

人物志 儒林

一

公卿咸敬慕之時湛若水爲南吏部尚書嘗過呈祥小邱山隱居題其亭曰神交爲之記所著有古源日錄知行二論子敬之歲貢由兗州府通判遷隨州知府永昌府同知頗著政績蘊之爲鄉善士克紹家學

府志

呂一麒號虞田出李呈祥之門與丁旦善後從王畿鄒守益遊以私淑王守仁步趨繩墨一介必嚴以歲貢任鄢陵訓導盱眙當塗教諭沂州學正皆教化盛行歸二十餘年卒年八十

餘
府志

丁旦字惟寅氣骨朗峻音如洪鐘幼卽不妄言動事父兄孝謹

聞同里李呈祥賢師事之學既通更從鄒守益王畿錢德洪歐陽德諸君子遊以私淑王守仁轉相教授大江以南門徒最盛家素貧初兄杲經紀家政待旦甚友愛故旦得砥礪於學至是旦以脩餼自給以宅讓其兄由是里中嚴重之雖童穉亦呼爲丁夫子耿定向督學南畿舉旦文行異等命有司以禮聘入試監司守令常踵其庭咨政治得失旦知無不言言無不盡孝子貞婦力請旌揚遇冤抑輒密以告不令人知隆慶中一讓恩貢復讓歲貢及萬曆元年始就歲貢人太學閱十年任衡州府通判卻例金釐夙弊倡修社學義倉與衡

貴池縣志

卷二六

人物志 儒林

二

人士講學不倦卒於官貧不能殮士林悲之旦生平務誠信哭師呈祥目幾盲親負土築其墓嘗爲文逐虎虎遁禱雨雨應作賦驅山鬼鬼嘯絕聲人皆以爲至誠所感云其論學曰纔仆卽硬掙立起有過卽暴白不瞞又曰伊尹放桐之日一毫利害之心不存周公東征之時一毫毀譽之心不入又曰天理不遠人情造化不逾物則物來順應時動事興卒葬貴池石都山之陽耿定向題其碣曰名賢丁君惟寅之墓以子紹軾官贈武英殿大學士

見湖南江
南兩通志

曹參芳字日贊性孝友博學砥行爲諸生祭酒初建文殉節諸

臣久被禁錮事蹟多湮參芳徵文考獻作遜國正氣紀以發
幽潛崇禎末史可法程世昌先後觀察池州俱稱其有經世
學雖穫落不偶守志益堅時桐川多名儒參芳挈家居之與
同志闡發心性之奧以紹正學皖撫創立培原書院招參芳
會講其中後歸故里益精易學學者稱心易先生明亡命仲
子大鎬往事桂王圖恢復勛以忠貞無貳後大鎬果殉國難
季子晟孫永貞俱有文名

府志

以上漆志

